



## Désirée



Idiom: Gherdëina

Meludia: Tobias Dellago , Peter Demetz , Gerald Moroder , Georg Mussner

Test: Tobias Dellago , Peter Demetz , Gerald Moroder , Georg Mussner

Bona sëira, bona nuet, ie ulësse me prejenté:  
mi drë inuem ne diji nia, son cunesciuda sciche Désirée.  
Tan de ani che é, caranta ie bele passei via,  
m'é vagà vel' operazion y sën ne se ntënden plu de nia.  
Cie che feje de lëur chël ne possi ve dì  
ajache scenó cun la lege ei da ciampì,  
mé tant, I se trata de n lëur orizontal  
y monce drët bel me sal.

Mi profescion ie cunesciuda sciche la plu vedla sun chësc mond,  
ma I ie for mo tei che fej finta de ne savëi nia n chësc cont.  
Sambën ënghe tlo da nëus ne stajëde pa a miné,  
che fosse stata la prima che fova da abiné.  
Coche dij bele mi inuem ie ejaudësce  
uni vosc dejidere ajache I cunësce.  
A dì l'aurità n'iel pa nianca tan speziel,  
ove tosc capì cie che plej a n tel ël.

Duc chisc ëi, duc chisc ëi,  
chisc ie mi gran plajëi,  
jëuni o vedli, biei o burc, nia dinrer maridei,  
duc chisc ëi, duc chisc ëi,  
chisc ie mi gran plajëi,  
ie me n tole un ndolauter, datrai doi, monce trëi.

De chisc ëi possi dî, ie ne ue pa bravé,  
é cunesciù mpo n valguni, giut pudëssi cunté:  
dretëures y ministri, gran atëures y aucac,  
danterite monce vel' preve y duc feji unì mac  
y ajache te mi lëur n'iel deguna pension  
me ei anjenià n tel pitl liber dal telefon  
ulache scrije su cun gran lezitënza  
inuem, di y ëura de uni prejënza,  
tu y tu y tu y  
duc chisc ëi, duc chisc ëi,  
chisc ie mi gran plajëi,  
jëuni o vedli, biei o burc, nia dinrer maridei,  
duc chisc ëi, duc chisc ëi,  
chisc ie mi gran plajëi,  
ie me n tole un ndolauter, datrai doi, monce trëi,  
cater, cinch, sies o set y datrai monce ot.